



বাংলাদেশ কোস্ট গার্ড

চোরাচালান প্রতিরোধ, মাদকদ্রব্য পাচার রোধ, সমুদ্র পথে অবৈধভাবে মানব পাচার রোধ ও মৎস্য সম্পদ রক্ষার লক্ষ্যে বাংলাদেশ কোস্ট গার্ড নিরলসভাবে কাজ করে যাচ্ছে। গণপ্রজাতন্ত্রী বাংলাদেশ সরকারের মাননীয় প্রধানমন্ত্রীর একান্ত পৃষ্ঠপোষকতা, প্রাজ্ঞ দিক নির্দেশনা এবং স্বরাষ্ট্র মন্ত্রণালয়ের সার্বিক সহযোগিতায় বাংলাদেশ কোস্ট গার্ড এর অপারেশনাল কর্মকান্ড পূর্বের তুলনায় বহুলাংশে বৃদ্ধি পাওয়ায় সাফল্যের হারও আশাপ্রদভাবে বেগবান হয়েছে। উপকূল এলাকাসহ বাংলাদেশ কোস্ট গার্ড এর উপর অর্পিত দায়িত্বপূর্ণ এলাকায় নজরদারি ও সমুদ্রপথে অভিযান পরিচালনা বৃদ্ধি করায় অবৈধ কর্মকান্ড উল্লেখযোগ্য হারে হ্রাস পেয়েছে। এ বাহিনীর সদস্যরা প্রতিষ্ঠালগ্ন হতে অদ্যাবধি বাংলাদেশের সমুদ্রসীমানা তৎসংলগ্ন উপকূলীয় অঞ্চল এবং বিভিন্ন নদ-নদীতে অত্যন্ত নিষ্ঠা ও নির্ভরতার সাথে দায়িত্ব পালন করে আসছে। কালের পরিক্রমায় আজ বাংলাদেশ কোস্ট গার্ড উপকূলীয় অঞ্চলে একটি আস্থা ও নির্ভরতার প্রতীকে পরিণত হয়েছে। এরই ধারাবাহিকতায় বিগত ২০২২-২০২৩ অর্থ বছরে বাংলাদেশ কোস্ট গার্ড কর্তৃক ৩৯ হাজার ৬২৯টি অভিযান পরিচালনা করে প্রায় ৫,১২০ কোটি ৮৭ লক্ষ ০৭ হাজার ৭৩১ টাকার অধিক মূল্যের অবৈধ দ্রব্য সামগ্রী আটক করে বিধি মোতাবেক আইনানুগ ব্যবস্থা গ্রহণের জন্য সংশ্লিষ্ট কর্তৃপক্ষের নিকট হস্তান্তর করা হয়েছে।

অপারেশনাল কর্মকান্ডে সাফল্য

চোরাচালান প্রতিরোধ অভিযান।

শুধুমাত্র চোরাচালান প্রতিরোধ অপারেশানে বাংলাদেশ কোস্ট গার্ড কর্তৃক ২০২২-২০২৩ অর্থ বছরে প্রায় ৬৮ কোটি ২৬ লক্ষ ৮৭ হাজার ৭২৩ টাকার বিভিন্ন প্রকার চোরাচালান পণ্য আটক করা হয়।



বাংলাদেশ কোস্ট গার্ড, ঢাকা জোন (স্টেশন পাগলা) কর্তৃক আটককৃত শাড়ি



বাংলাদেশ কোস্ট গার্ড, দক্ষিণ জোন (স্টেশন বরিশাল) কর্তৃক আটককৃত শাড়ি

অবৈধ অস্ত্র উদ্ধার অভিযান।

বাংলাদেশ কোস্ট গার্ড কর্তৃক ২০২২-২০২৩ অর্থ বছরে ২২টি অবৈধ অস্ত্র, ৪৬০ রাউন্ড তাজা গোলা, ৩৮ রাউন্ড ব্ল্যাংক কার্টিজ ও ১০৩টি দা/রামদা/ছুরি আটক করা হয়েছে। এছাড়াও ২৮২ জন বনদস্যু/জলদস্যু/ডাকাত/অন্যান্য অবৈধ কাজে জড়িত ব্যক্তি আটক করা হয়।



বাংলাদেশ কোস্ট গার্ড, দক্ষিণ জোন (বেইস ভোলা) কর্তৃক আটককৃত অন্ত্র ও ডাকাড



বাংলাদেশ কোস্ট গার্ড, পশ্চিম জোন (কয়রা) কর্তৃক আটককৃত অন্ত্র ও ডাকাড

মৎস্য সম্পদ রক্ষা অভিযান।

মৎস্য সম্পদ রক্ষা অভিযানে বাংলাদেশ কোস্ট গার্ড কর্তৃক ২০২২-২০২৩ অর্থ বছরে প্রায় ৫,০৫১ কোটি ৮০ লক্ষ ৩৯ হাজার ৬০৮ টাকা অর্থমূল্যের ২,৭৫,৫৯৪ কেজি জাটকা/মা ইলিশ, ৫৬,৯৯,৬১,২৭৫ মিটার কারেন্ট জাল, ১৬,৬৩,১৮,৮৭৩ মিটার অন্যান্য জাল, ১৮,৩৯,০২৬টি মশারি/বেহুন্দি জাল এবং ১৪১,৫৯,৭০,৫৩১ পিস চিংড়ি পোনা, ৩,০৫,৬৯৩ কেজি জেলি পুশকৃত চিংড়ি, ৪২৫টি বোট, ১০৬৫ জন জেলে আটক করা হয়।



বাংলাদেশ কোস্ট গার্ড, ঢাকা জোন (চাঁদপুর) কর্তৃক আটককৃত কারেন্ট জাল



বাংলাদেশ কোস্ট গার্ড, ঢাকা জোন (গজারিয়া) কর্তৃক আটককৃত জাটকা মাছ

মাদকদ্রব্য নিয়ন্ত্রণ অভিযান।

মাদকদ্রব্য নিয়ন্ত্রণ অভিযানে বাংলাদেশ কোস্ট গার্ড নিয়মিতভাবে বিশেষ অভিযান পরিচালনা করে ২০২২-২০২৩ অর্থ বছরে ২০,৮০,৩৮২ পিস ইয়াবা, ১২,৪৩৪ ক্যান বিভিন্ন প্রকার বিয়ার, ১,৮৪৬ ক্যান/বোতল হুইস্কি, ৯৮ বোতল ফেনসিডিল, ১,৯০২ বোতল/ক্যান বিভিন্ন প্রকার দেশিয়/বিদেশি মদ, ৩ কেজি ক্রিস্টাল মেথ আইস এবং ১১২ কেজি ৫৭০ গ্রাম গাঁজা আটক করা হয়।



বাংলাদেশ কোস্ট গার্ড, পূর্ব জোন (সেন্টমার্টিন) কর্তৃক আটককৃত বিভিন্ন প্রকার দেশি/বিদেশি মদ/বিয়ার এবং ইয়াবা

বনজ সম্পদ ও পরিবেশ রক্ষা অভিযান।

সুন্দরবনসহ দেশের অন্যান্য অঞ্চলের মূল্যবান বনজ সম্পদ রক্ষায় পরিচালিত অভিযানে কোস্ট গার্ড অভূতপূর্ব সাফল্য অর্জন করেছে। ২০২২-২০২৩ অর্থ বছরে প্রায় ৭৯ লক্ষ ৮০ হাজার ৪০০ টাকার প্রায় ২৭১০.৬৭ ঘনফুট বিভিন্ন প্রকার কাঠ, ৭,৪২৬ কেজি পলিথিন ব্যাগ, ০১টি তক্ষক, ৪০৭.৪০০ কেজি হরিণের মাংস, ০৬টি হরিণের চামড়া উদ্ধার করা হয়।



বাংলাদেশ কোস্ট গার্ড, পশ্চিম জোন (স্টেশন বরিশাল) কর্তৃক আটককৃত হরিণের মাংস

বাংলাদেশ কোস্ট গার্ড, দক্ষিণ জোন কর্তৃক আটককৃত হরিণের মাংস

অপহৃত জেলে উদ্ধার।

বাংলাদেশ কোস্ট গার্ড কর্তৃক ২০২২-২০২৩ অর্থ বছরে সুন্দরবন ও বিভিন্ন উপকূলীয় এলাকায় অভিযান চালিয়ে ২৬জন অপহৃত জেলে/বাওয়ালীকে উদ্ধার করা হয়।



বাংলাদেশ কোস্ট গার্ড দক্ষিণ জোন কর্তৃক উদ্ধারকৃত অপহৃত জেলে/ব্যবসায়ী

বাংলাদেশ কোস্ট গার্ড পূর্ব জোন কর্তৃক উদ্ধারকৃত অপহৃত জেলে/ব্যবসায়ী

উদ্ধার অভিযান।

বাংলাদেশ কোস্ট গার্ড কর্তৃক ২০২২-২০২৩ অর্থ বছরে বিভিন্ন উপকূলীয় এলাকায় দুর্ঘটনা কবলিত ১৬৫ জন যাত্রী/ক্রু, ৩৭৮ জন জীবিত জেলে, ৭১টি মৃতদেহ ও ১০টি বোট উদ্ধার করা হয়।



বাংলাদেশ কোস্ট গার্ড পশ্চিম জোন কর্তৃক উদ্ধারকৃত জেলে



বাংলাদেশ কোস্ট গার্ড দক্ষিণ জোন (আউটপোস্ট চরমানিকা) কর্তৃক উদ্ধারকৃত মৃতদেহ

রোহিঙ্গা অনুপ্রবেশ রোধ।

সম্প্রতি মায়ানমারের বর্ডার গার্ড, পুলিশ ও রোহিঙ্গাদের মধ্যে সৃষ্ট অস্থিরতার প্রেক্ষিতে বাংলাদেশ কোস্ট গার্ড এর দায়িত্বপূর্ণ এলাকায় টহল জোরদার করেছে এবং উক্ত এলাকায় অবৈধ অনুপ্রবেশকারীদের গতিবিধির উপর কঠোর নজরদারি বজায় রেখে অবৈধ অনুপ্রবেশ রোধ করা হচ্ছে। বাংলাদেশ কোস্ট গার্ড কর্তৃক ২০২২-২০২৩ অর্থ বছরে মোট ৯০ জন বাংলাদেশি ও মায়ানমার নাগরিক, ২৩ জন দালাল ভাসানচর হতে পলায়নকালে আটক করতে সক্ষম হয় এবং আটককৃতদের ভাসানচর আবাসন প্রকল্পে নিয়ে যাওয়ার জন্য সংশ্লিষ্ট কর্তৃপক্ষের নিকট হস্তান্তর করা হয়। বর্তমানে মালয়েশিয়া এবং থাইল্যান্ড হতে প্রত্যাহত রোহিঙ্গা নাগরিকদের বাংলাদেশের জলসীমায় প্রবেশে প্রতিহত করার লক্ষ্যে নৌবাহিনীর সাথে সমন্বয়ের মাধ্যমে যৌথ টহল পরিচালনা করা হচ্ছে।



অবৈধভাবে মালয়েশিয়া যাওয়ার পথে বাংলাদেশ কোস্ট গার্ড পূর্ব জোন (কন্টিনেন্ট ভাসানচর) কর্তৃক আটককৃত রোহিঙ্গা

বন্দর নোঙ্গর এলাকায় ও ব্লু ইকোনমি সংশ্লিষ্ট কর্মকাণ্ডে পরিচালিত টহল

বাংলাদেশ কোস্ট গার্ড কর্তৃক বন্দর নোঙ্গর এলাকায় ও ব্লু ইকোনমি সংশ্লিষ্ট কর্মকাণ্ডে পরিচালিত টহল ও অভিযান পরিচালনার ফলে বন্দরের নিরাপত্তা বৃদ্ধি পেয়েছে যার ফলে পূর্বের তুলনায় অধিকহারে বৈদেশিক জাহাজ আগমন করে। এর ফলশ্রুতিতে ২০২২-২০২৩ অর্থ বছরে রাজস্ব আদায় বৃদ্ধি পেয়েছে যা দেশের অর্থনীতিতে গুরুত্বপূর্ণ ভূমিকা পালন করেছে।



বন্দর এলাকার নিরাপত্তায় বাংলাদেশ কোস্ট গার্ডের টহল অভিযান

উপজেলা নির্বাচন, পৌরসভা নির্বাচন ও ইউনিয়ন পরিষদ সাধারণ নির্বাচন।


কোস্ট গার্ড তার দায়িত্বপূর্ণ উপকূলবর্তী এলাকায় উপজেলা নির্বাচন, পৌরসভা নির্বাচন ও ইউনিয়ন পরিষদ সাধারণ নির্বাচনে বিভিন্ন নির্বাচনী এলাকায় কোস্ট গার্ড সদস্য মোতায়েন করে সুষ্ঠুভাবে নির্বাচন পরিচালনা করেছে।



বাংলাদেশ কোস্ট গার্ড বিভিন্ন উপজেলা নির্বাচন, পৌরসভা নির্বাচন ও ইউনিয়ন নির্বাচনে মোতায়েন

দুর্যোগকালীন সময়ে মাইকিং ও জনসচেতনতামূলক প্রচার।

বাংলাদেশ কোস্ট গার্ড কর্তৃক বিভিন্ন ঘূর্ণিঝড় ও দুর্যোগকালীন সময়ে প্রত্যন্ত অঞ্চলে গিয়ে মানুষকে আশ্রয়কেন্দ্রে অবস্থান ও জনসচেতনতা সৃষ্টিতে সকলের আস্থা অর্জন করে।



ঘূর্ণিঝড় ও দুর্যোগকালীন সময়ে প্রত্যন্ত অঞ্চলে জনসচেতনতামূলক প্রচার ও আশ্রয়স্থলে আশ্রয় গ্রহণকারীদের একাংশ

উপকূলীয় অঞ্চলে স্বাস্থ্যসেবা।

বাংলাদেশ কোস্ট গার্ডের দায়িত্বপূর্ণ এলাকায় প্রত্যন্ত অঞ্চলে মেডিকেল ক্যাম্পেইন পরিচালনা করে উপকূলীয় অঞ্চলের সাধারণ মানুষের স্বাস্থ্যসেবা প্রদান করে আসছে। স্বাস্থ্য সেবা প্রদানের মাধ্যমে বাংলাদেশ কোস্ট গার্ড উপকূলবর্তী মানুষের আস্থার প্রতীক হিসেবে মন জয় করে নিয়েছে।



বাংলাদেশ কোস্ট গার্ড কর্তৃক পরিচালিত প্রত্যন্ত অঞ্চলে স্বাস্থ্যসেবা প্রদান

অবৈধভাবে মৎস্য আহরণ রোধে জন সচেতনতামূলক কার্যক্রম

বাংলাদেশ কোস্ট গার্ড কর্তৃক ২০২২-২০২৩ অর্থ বছরের জোনের অধিনস্ত সকল স্টেশন/ আউটপোস্ট তৎসংলগ্ন এলাকার মাঝিদের মাঝে লিফলেট বিতরণ ও সভা সেমিনারের মাধ্যমে অবৈধভাবে মৎস্য আহরণ রোধে সচেতনতা বৃদ্ধি করা হয়।



বাংলাদেশ কোস্ট গার্ড কর্তৃক অবৈধভাবে সংস্কার আহরণ রোধে পরিচালিত জনসচেতনতামূলক কার্যক্রম

মানব সম্পদ উন্নয়নে প্রদানকৃত প্রশিক্ষণ

কোস্ট গার্ডের প্রতিটি সদস্যকে দক্ষ করে গড়ে তোলার জন্য বাংলাদেশ কোস্ট গার্ড কর্তৃক জোনসমূহের ব্যবস্থাপনায় নিয়মিত বিভিন্ন প্রশিক্ষণের ব্যবস্থা করা হয়।



বাংলাদেশ কোস্ট গার্ড কর্তৃক জোনসমূহের ব্যবস্থাপনায় প্রদানকৃত প্রশিক্ষণ

পরিবেশ সুরক্ষায় বিভিন্ন কার্যক্রম।

পরিবেশের ভারসাম্য রক্ষা ও পরিবেশ সুরক্ষায় জোনাল কমান্ডার ঢাকা জোন কর্তৃক বৃক্ষরোপন কর্মসূচি পরিচালনা করা হয়। উক্ত বৃক্ষরোপণ কর্মসূচীতে মহাপরিচালক বাংলাদেশ কোস্ট গার্ড মহোদয় অংশগ্রহণ করেন। এছাড়াও কোস্ট গার্ডের সকল জোনসমূহ কর্তৃক বৃক্ষরোপন কর্মসূচি পালন করা হয়ে থাকে।



বাংলাদেশ কোস্ট গার্ড ঢাকা জোন কর্তৃক পরিবেশ সুরক্ষায় বিভিন্ন কার্যক্রম

বাংলাদেশ কোস্ট গার্ড কর্তৃক উন্নয়ন প্রকল্পের তথ্যাদি।

বাংলাদেশ কোস্ট গার্ডের ০২টি প্রকল্পের আওতায় তৈরী ০৫টি জাহাজের কমিশনিং অনুষ্ঠান

গত ২১ জুন ২০২৩ তারিখে ভিডিও টেলিকনফারেন্সের মাধ্যমে ০২টি আইপিভি বিসিজিএস অপূর্ব বাংলা, বিসিজিএস জয় বাংলা ও ০২টি টাগ বোট বিসিজিটি প্রত্যয়, বিসিজিটি প্রমত্ত এবং ০১টি ফ্লোটিং ফ্রেন বিসিজিএফসি শক্তি এর কমিশনিং করেন গণপ্রজাতন্ত্রী বাংলাদেশ সরকারের মাননীয় প্রধানমন্ত্রী শেখ হাসিনা। এছাড়াও, উক্ত কমিশনিং অনুষ্ঠানে মাননীয় স্বরাষ্ট্র মন্ত্রী, সিনিয়র সচিব স্বরাষ্ট্র ও মহাপরিচালক বাংলাদেশ কোস্ট গার্ড সহ বিভিন্ন স্তরের সামরিক ও অসামরিক অধিবৃন্দ উপস্থিত ছিলেন।



কমিশনিং অনুষ্ঠানে গণপ্রজাতন্ত্রী বাংলাদেশ সরকারের মাননীয় প্রধানমন্ত্রী



কমিশনিং অনুষ্ঠানে মাননীয় স্বরাষ্ট্র মন্ত্রী এবং সিনিয়র সচিব স্বরাষ্ট্র মন্ত্রণালয়



০২টি আইপিভি বিসিজিএস অপূর্ব বাংলা ও বিসিজিএস জয় বাংলা



০২টি টাগ বোট বিসিজিটি প্রত্যয় ও বিসিজিটি প্রমত্ত



০১টি ফ্লোটিং ক্রেন বিসিজিএফসি শক্তি

বাংলাদেশ কোস্ট গার্ড এর জন্য লজিস্টিকস ও ফ্লিট মেইনটেন্যান্স ফ্যাসিলিটিস গড়ে তোলা (১ম সংশোধনী) শীর্ষক প্রকল্প।

গত ২২ ফেব্রুয়ারি ২০২৩ তারিখে গজারিয়া মুন্সিগঞ্জে প্লোটার ও পেইন্ট ওয়ার্কশপ, মেশিন, এসি ও রেফ্রিজারেশন ওয়ার্কশপ এর ভিত্তিপ্রস্তর স্থাপন করেন মহাপরিচালক বাংলাদেশ কোস্ট গার্ড।



গজারিয়া মুন্সিগঞ্জে প্লোটার ও পেইন্ট ওয়ার্কশপ মেশিন, এসি ও রেফ্রিজারেশন ওয়ার্কশপ ভিত্তিপ্রস্তর স্থাপন

বাংলাদেশ কোস্ট গার্ড এর জন্য লজিস্টিকস ও ফ্লিট মেইনটেন্যান্স ফ্যাসিলিটিস গড়ে তোলা (১ম সংশোধনী) শীর্ষক প্রকল্প।

গত ২২ ফেব্রুয়ারি ২০২৩ তারিখে গজারিয়া মুন্সিগঞ্জে স্লিপওয়ে এর ভিত্তিপ্রস্তর স্থাপন মহাপরিচালক বাংলাদেশ কোস্ট গার্ড।



গজারিয়া মুন্সিগঞ্জে স্লিপওয়ে এর ভিত্তিপ্রস্তর স্থাপন

বাংলাদেশ কোস্ট গার্ড-এর জন্য রাজস্ব বাজেটের আওতায় জলযান ক্রয় খাত হতে ০২ টি হারবার প্যাট্রল বোট (এইচপিবি) আনুষঙ্গিক যন্ত্রপাতিসহ ক্রয়/নির্মাণ।

গত ১৭ এবং ১৮ মে ২০২৩ ডিইডব্লিউ লিঃ, নারায়ণগঞ্জ নির্মাণাধীন এইচপিবিদ্বয়ের লক্ষিঃ কার্যক্রম সম্পন্ন হয়।



০২ টি হারবার প্যাট্রল বোট এইচপিবি

বাংলাদেশ কোস্ট গার্ড-এর জন্য রাজস্ব বাজেটের আওতায় জলযান ক্রয় খাত হতে ০২ X ৮৫ মিটার ফ্ল্যাট ডেক পটুন (বড়) আনুষঙ্গিক যন্ত্রপাতিসহ ক্রয়/নির্মাণ।

গত ০৩ এপ্রিল ২০২৩ পটুনসমূহ খুলনা শিপইয়ার্ড কর্তৃক নির্মাণ পরবর্তী বাংলাদেশ কোস্ট গার্ডের নিকট মুরিং কার্যক্রম সম্পন্নকরত হস্তান্তর করা হয়।



০২ X ৮৫ মিটার ফ্ল্যাট ডেক পটুন (বড়)

বাংলাদেশ কোস্ট গার্ড দিবস ২০২৩ (২৮ তম প্রতিষ্ঠাবার্ষিকী) উদযাপন এবং বিসিজি স্টেশন লক্ষ্মীপুরে নবনির্মিত ০২টি ভবন উদ্বোধন।


বাংলাদেশ কোস্ট গার্ডের সদস্যগণের অসীম সাহসিকতা ও বীরত্বপূর্ণ কাজের স্বীকৃতি স্বরূপ ৪০ জন কর্মকর্তা, নাবিক এবং অসামরিক কর্মচারীদের পদক প্রদান করা হয়। যা গত ১৩ ফেব্রুয়ারি ২০২৩ তারিখে বাংলাদেশ কোস্ট গার্ডের ২৮তম প্রতিষ্ঠাবার্ষিকী উপলক্ষে প্রধান অতিথি হিসেবে গণপ্রজাতন্ত্রী বাংলাদেশ সরকারের মাননীয় প্রধানমন্ত্রী (স্ব-শরীরে) পদকপ্রাপ্তদের বীরত্বপূর্ণ/সাহসিকতাপূর্ণ/সেবামূলক অবদানের স্বীকৃতিস্বরূপ পদক প্রদান করেন। এছাড়াও ভিডিও টেলিকনফারেন্সের মাধ্যমে স্টেশন লক্ষ্মীপুরে নবনির্মিত ০২টি ভবন এর উদ্বোধন করেন। উক্ত প্রতিষ্ঠা বার্ষিকী ও স্টেশন লক্ষ্মীপুরে নবনির্মিত ০২টি ভবন উদ্বোধন অনুষ্ঠানে মাননীয় স্বরাষ্ট্র মন্ত্রী, সিনিয়র সচিব স্বরাষ্ট্র মন্ত্রণালয় ও মহাপরিচালক বাংলাদেশ কোস্ট গার্ড সহ বিভিন্ন স্তরের সামরিক ও অসামরিক অধিবৃন্দ উপস্থিত ছিলেন।



বাংলাদেশ কোস্ট গার্ড দিবস ২০২৩ (২৮ তম প্রতিষ্ঠাবার্ষিকী) উদযাপন এবং বিসিজি স্টেশন লক্ষ্মীপুর উদ্বোধন

বাংলাদেশ কোস্ট গার্ডের গৌরবময় যাত্রা।

বাংলাদেশ কোস্ট গার্ড এর ২৮তম প্রতিষ্ঠাবার্ষিকী উপলক্ষে বাংলাদেশ কোস্ট গার্ডের অপারেশনাল কার্যক্রমসমূহের সফলতা সংক্রান্ত প্রকাশনা 'বাংলাদেশ কোস্ট গার্ডের গৌরবময় যাত্রা' (Glorious Journey of Bangladesh Coast Guard) প্রকাশিত হয়।



বাংলাদেশ কোস্ট গার্ডের গৌরবময় যাত্রা

বঙ্গবন্ধু কর্ণার উদ্বোধন।

জাতির পিতা বঙ্গবন্ধু শেখ মুজিবুর রহমানের স্মৃতিকে স্মরণীয় করে রাখতে মহাপরিচালক বাংলাদেশ কোস্ট গার্ড সদর দপ্তরে "বঙ্গবন্ধু কর্ণার" উদ্বোধন করেন। জাতির জনকের স্মৃতি পরবর্তী প্রজন্মের কাছে চির অম্লান রাখতে বঙ্গবন্ধুর শাসনতান্ত্রিক কাঠামো ও রাষ্ট্রীয় প্রকৃতি, রাজস্ব, কর, শুল্ক সম্বন্ধীয় ক্ষমতা, বৈদেশিক বানিজ্য বিষয়ক ক্ষমতা, স্বাধীনতার ঘোষণা ছাড়াও বঙ্গবন্ধুর জীবন, কর্মভিত্তিক এবং মুক্তিযুদ্ধ ও বঙ্গবন্ধুর ওপর লেখা বই বঙ্গবন্ধু কর্ণারে স্থান পেয়েছে।



বঙ্গবন্ধু কর্ণার- কোস্ট গার্ড সদর দপ্তর

কোস্ট গার্ড সদর দপ্তরে "বঙ্গবন্ধু কর্ণার" উদ্বোধন

VSATNET স্থাপন।

গণপ্রজাতন্ত্রী বাংলাদেশ সরকার ভিশন ২০৪১ বাস্তবায়নের লক্ষ্যে দেশের সমস্ত যোগাযোগ ব্যবস্থার উত্তরোত্তর উন্নতিসাধনের জন্য গত ১১ মে ২০১৮ সালে বঙ্গবন্ধু স্যাটেলাইট-১ উৎক্ষেপন করে। যার ফলশ্রুতিতে, বাংলাদেশের তথ্য ও প্রযুক্তি ক্ষেত্রে বৈপ্লবিক পরিবর্তন পরিলক্ষণীয়।

গত ১৫ ফেব্রুয়ারি বাংলাদেশ কোস্ট গার্ড দিবস ২০২২ এ গণপ্রজাতন্ত্রী বাংলাদেশ সরকারের মাননীয় প্রধানমন্ত্রী বাংলাদেশ কোস্ট গার্ডের সকল জাহাজ যাতে সমুদ্র হতে পোতাশ্রয়ে সার্বক্ষণিক যোগাযোগ রক্ষা করতে পারে তার জন্য জরুরিভিত্তিতে বঙ্গবন্ধু স্যাটেলাইট-১ এর সাথে যুক্ত হওয়ার কার্যকরী উদ্যোগ গ্রহণের সদয় নির্দেশনা প্রদান করেন। এরই ধারাবাহিকতায় ডিজিটাল বাংলাদেশ গড়ার লক্ষ্যে বাংলাদেশ কোস্ট গার্ড বঙ্গবন্ধু স্যাটেলাইট-১ ব্যবহারের মাধ্যমে যোগাযোগ ব্যবস্থাসহ এর সঠিক কার্যক্রমে আরও গতিশীলতা আনয়নের পরিকল্পনা গ্রহণ করে। এরই ধারাবাহিকতায় পাবলিক প্রকিউরমেন্ট রেগুলেশান-২০০৮ যথাযথভাবে অনুসরণপূর্বক, গত ২৩ অক্টোবর ২০২২ VSATNET কমিউনিকেশন সিস্টেম স্থাপনের জন্য প্রয়োজনীয় যন্ত্রপাতি ক্রয়ের চুক্তি স্বাক্ষরিত হয়।

এই চুক্তির মাধ্যমে বাংলাদেশ কোস্ট গার্ড বঙ্গবন্ধু স্যাটেলাইট-১ এর সাথে যুক্ত হওয়ার পরিকল্পনা গ্রহণ করে যা বাংলাদেশ কোস্ট গার্ডের অপারেশনাল কর্মকান্ডের সক্ষমতা বৃদ্ধিতে অধিক সহায়তা প্রদান করবে। বাংলাদেশ কোস্ট গার্ড এর বেশির ভাগ স্টেশন এবং আউট পোস্টসমূহ মোবাইল নেটওয়ার্কের বাইরে অবস্থিত। বর্তমানে জোনসমূহের সাথে যোগাযোগ ব্যবস্থা দুর্যোগপূর্ণ আবহাওয়ায় যোগাযোগ করা প্রায় অসম্ভব হয়ে পড়ে। ফলশ্রুতিতে কোস্ট গার্ডের অপারেশনাল কর্মকান্ড ব্যাহত হওয়ার সম্ভাবনা থেকে যায়।

VSATNET কমিউনিকেশন সিস্টেম এর উন্নত যোগাযোগ ব্যবস্থা কোস্ট গার্ডের অপারেশনাল কর্মকান্ডকে সচল রাখবে এবং অটুট যোগাযোগ ব্যবস্থা নিশ্চিত করবে।

এছাড়াও কোস্ট গার্ড এর জাহাজসমূহের বিভিন্ন অপারেশন সরাসরি কোস্ট গার্ড সদর দপ্তর হতে পর্যবেক্ষণ করা সম্ভব হবে। সম্পূর্ণ যোগাযোগ ব্যবস্থা আইপি বেইজড এ্যাপ্লিকেশন ব্যবহারের মাধ্যমে করা হবে বিধায় যোগাযোগ হবে অনেক নিরাপদ এবং দ্রুত।


VSATNET কমিউনিকেশন সিস্টেমে Mesh-Topology ব্যবহার করা হচ্ছে বিধায় পরবর্তীতে Hybrid-Topology তে উন্নীত করা সম্ভব হবে। যার ফলশ্রুতিতে যুদ্ধকালীন সময়ে বাংলাদেশ নৌবাহিনীর সাথে একযোগে দেশ রক্ষার্থে অবদান রাখবে বাংলাদেশ কোস্ট গার্ড।

প্রাকৃতিক দুর্যোগে যোগাযোগ ব্যবস্থা বিচ্ছিন্ন হওয়ার কারণে নাগরিক সেবা নিশ্চিত করা প্রায় অসম্ভব হয়ে পড়ে। **VSATNET** কমিউনিকেশন সিস্টেমের ম্যান প্যাক টার্মিনাল ব্যবহার করে প্রত্যন্ত দুর্যোগপূর্ণ এলাকার সাথে যোগাযোগ স্থাপন করার মাধ্যমে নাগরিক সেবা নিশ্চিত করা সম্ভব হবে। বাংলাদেশের মোট বাণিজ্যের ৯০ ভাগেরও বেশী পণ্যের আমদানী ও রপ্তানী সমুদ্র পথে হয়ে থাকে।

সীমিত

তাই আমদানী ও রপ্তানী কাজে ব্যবহৃত সকল প্রকার দেশী ও বিদেশী জাহাজসমূহের নদী ও সমুদ্রপথে নিরাপদ চলাচল নিশ্চিত করতে তথা দেশের অর্থনীতির প্রবাহ অব্যাহত রাখতে VSATNET কমিউনিকেশন সিস্টেম বাংলাদেশ কোস্ট গার্ডে সক্রিয় ভূমিকা পালন করবে। এদেশের উপকূলীয় অঞ্চলে বসবাসকারী জনগণের মূল জীবিকা এবং রপ্তানী আয়ের প্রায় ৩০ শতাংশ সামুদ্রিক মৎস্য সম্পদের উপর নির্ভরশীল। এছাড়া বঙ্গোপসাগর প্রাকৃতিক গ্যাস, তেল ও অন্যান্য বহু অনাবিষ্কৃত খনিজ সম্পদে সমৃদ্ধ। এ সকল মৎস্য ও খনিজ সম্পদ রক্ষায় VSATNET এর উন্নত যোগাযোগ ব্যবস্থা এবং ভেসেল মনিটরিং সিস্টেম বাংলাদেশ কোস্ট গার্ডে অপারেশনাল কর্মকান্ডকে আরও তাৎপর্যপূর্ণ করে তুলবে।

ভৌগলিক অবস্থান ও দীর্ঘ ৭১০ কিঃ মিঃ সমুদ্র উপকূলবর্তী অঞ্চল থাকায় সমুদ্র ও নদী পথে চোরাচালান বেশী হয়ে থাকে। তাছাড়া দেশের অন্যতম গুরুত্বপূর্ণ সমুদ্রবন্দর চট্টগ্রাম এবং মংলা আগত বিদেশী ও দেশী জাহাজসমূহের নিরাপত্তা প্রদান, সুবিশাল সুন্দরবনের পর্যটক, মৌয়াল, চিংড়ি চাষী, মাঝি ও অন্যান্য জনগণের নিরাপত্তা প্রদান করার জন্য প্রয়োজনীয় যোগাযোগ ব্যবস্থায় VSATNET কমিউনিকেশন সিস্টেম স্থাপনের সিদ্ধান্ত হতে যাচ্ছে একটি যুগান্তকারী পদক্ষেপ।



VSATNET কমিউনিকেশন সিস্টেম স্থাপন

মহাপরিচালক, বাংলাদেশ কোস্ট গার্ড কর্তৃক সদর দপ্তর গার্ড রুম উদ্বোধন।

বাংলাদেশ কোস্ট গার্ড ঢাকা জোনের আওতাধীন কোস্ট গার্ড সদর দপ্তরের সার্বিক নিরাপত্তা নিশ্চিতকরণের নিমিত্তে সদর দপ্তরের গার্ড রুম নির্মাণ করা হয়। নির্মাণ কাজ শেষে মহাপরিচালক, বাংলাদেশ কোস্ট গার্ড উক্ত গার্ড রুমের উদ্বোধন করেন।



বাংলাদেশ কোস্ট গার্ড সদর দপ্তর গার্ড রুম উদ্বোধন

কোস্ট গার্ড সদর দপ্তরে ৫ তলা ভবনের উপরে ৬ষ্ঠ হতে ১০ম তলা উর্দ্ধমুখী সম্প্রসারণ।

বাংলাদেশ কোস্ট গার্ড ঢাকা জোনের আওতাধীন কোস্ট গার্ড সদর দপ্তরে বিদ্যমান ৫ তলা ভবনের উপরে ৬ষ্ঠ হতে ১০ম তলা উর্দ্ধমুখী সম্প্রসারণ প্রকল্পের আওতায় ৬ষ্ঠ ও ৭ম তলা নির্মাণ কার্য চলমান রয়েছে।



কোস্ট গার্ড সদর দপ্তরে বিদ্যমান ৫ তলা ভবনের উপরে ৬ষ্ঠ হতে ১০ম তলা উর্দ্ধমুখী সম্প্রসারণ

বিসিজি বেইস ভোলার ১০ শয্যা বিশিষ্ট হাসপাতাল।

বাংলাদেশ কোস্ট গার্ড দক্ষিণ জোনের আওতাধীন বিসিজি বেইস ভোলা অপারেশনাল কর্মকান্ড বিবেচনায় একটি অত্যন্ত গুরুত্বপূর্ণ বেইস। অত্র বেইসে ১৪ জন অফিসার, কম/বেশি ৫২১ জন নাবিকসহ ২২ জন অসামরিক কর্মচারী কর্মরত রয়েছে। পূর্বে অফিসার ও নাবিকদের চিকিৎসা সেবা দেওয়ার জন্য একটি সিকবে ছিল যেখানে চিকিৎসার জন্য পর্যাপ্ত সুযোগ-সুবিধা ছিল না। দ্বীপ জেলা ভোলায় যাতায়াতের একমাত্র মাধ্যম নদীপথ হওয়ায় জরুরি মুহুর্তে নিকটস্থ সিএমএইচ এ রোগী পরিবহন কষ্টসাধ্য। সার্বিক দিক বিবেচনায় ভোলায় কর্মরত নাবিকদের চিকিৎসা সেবার মানোন্নয়নের লক্ষ্যে উক্ত অর্থ বছরে বিসিজি বেইস ভোলায় ১০ শয্যা বিশিষ্ট হাসপাতালটি মাননীয় মাহাপরিচালক কর্তৃক উদ্বোধন করা হয়েছে।



বিসিজি বেইস ভোলার ১০ শয্যা বিশিষ্ট হাসপাতাল

বাংলাদেশ কোস্ট গার্ড পশ্চিম জোনের অধীনস্থ বিসিজি বেইস মোংলা সংলগ্ন নতুন অধিগ্রহণকৃত ৪.২৪ একর জমির ভূমি উন্নয়ন ও নদীর ভাঙন রোধকল্পে প্রতিরোধ মূলক কাজ।

বাংলাদেশ কোস্ট গার্ড পশ্চিম জোনের অধীনস্থ বিসিজি বেইস মোংলাতে পশুর নদী সংলগ্ন নতুন ৪.২৪ একর জমি অধিগ্রহণ করা হয়। উক্ত অধিগ্রহণকৃত নিচু জমিতে মাস্টার প্ল্যান অনুযায়ী বিভিন্ন ভবন ও স্থাপনা নির্মাণের উদ্দেশ্যে ভূমি উন্নয়ন ও নদী সংলগ্ন ভূমি সীমানায় নদী ভাঙনরোধ প্রকল্পে জিও ব্যাগ ডাম্পিং, বৃক্ষ রোপণসহ বিভিন্ন কার্যক্রম গ্রহণ করা হয়।



বিসিজি বেইস মোংলাতে পশুর নদী সংলগ্ন নতুন ৪.২৪ একর জমি অধিগ্রহণ

বিসিজি আউটপোস্ট নলিয়ানে, বিসিজি স্টেশন কৈখালী ও কয়রাতে অধিগ্রহণকৃত ভূমি সীমানায় আরসিসি পিলারসহ কাঁটাতারের বেড়া স্থাপনের কাজ।

বাংলাদেশ কোস্ট গার্ড পশ্চিম জোনের অধীন বিসিজি আউটপোস্ট নলিয়ান ৩.৭ একর, বিসিজি স্টেশন কৈখালীতে ২০.২৭ একর এবং বিসিজি স্টেশন কয়রাতে ১৪ একর ভূমি ভিন্ন ভিন্ন সময়ে অধিগ্রহণ করা হয়। অধিগ্রহণকৃত জমির ভূমি সীমানায় পশু প্রাণীর বিচরণ রোধসহ সরকারি জমি অবৈধ দখল মুক্ত রাখার লক্ষ্যে ভূমি সীমানা বরাবর আরসিসি পিলারসহ কাঁটাতারের বেড়া স্থাপন করা হয়।



বিসিজি আউটপোস্ট নলিয়ান ও স্টেশন কৈখালীতে ভূমি সীমানা বরাবর আরসিসি পিলারসহ কাঁটাতারের বেড়া স্থাপন

বিসিজি স্টেশন রূপসার সাব-স্টেশন বিল্ডিং এর নির্মাণ কাজ।

বাংলাদেশ কোস্ট গার্ড পশ্চিম জোনের অধীনস্থ বিসিজি স্টেশন রূপসাতে সাব-স্টেশন বিল্ডিং এর নির্মাণ কাজ করা হয়।



স্টেশন রূপসাতে সাব-স্টেশন বিল্ডিং এর নির্মাণ

বিসিজি বেইস মংলা এনেক্স এ বিদ্যমান সেইলর্স আবাসিক ভবনের (৫ম হতে ৭ম তলা) উর্দ্ধমুখী সম্প্রসারণ কাজ।

বাংলাদেশ কোস্ট গার্ড পশ্চিম জোনের অধীনস্থ বিসিজি বেইস মংলা এনেক্স এ বিদ্যমান সেইলর্স আবাসিক ভবনের (৫ম হতে ৭ম তলা) উর্দ্ধমুখী সম্প্রসারণ কাজ মে ২০২৩ মাসে শুরু হয়েছে। উক্ত আবাসিক ভবনের নির্মাণ কাজ সম্পন্ন হলে বিদ্যমান ১২টি ফ্ল্যাট এর সাথে আরও ১২টি নতুন ফ্ল্যাট যুক্ত হবে যা অত্র জোনের আবাসন ব্যবস্থাকে আর সমৃদ্ধ করবে বলে প্রতীয়মান।



বিসিজি বেইস মংলা এনেক্স এ বিদ্যমান সেইলর্স আবাসিক ভবনের (৫ম হতে ৭ম তলা) উর্দ্ধমুখী সম্প্রসারণ

২০২২-২০২৩ অর্থ বছরে অনুষ্ঠিত বাংলাদেশ কোস্ট গার্ডের প্রশিক্ষণ কার্যক্রমের প্রতিবেদন

বিদেশী সংস্থা কর্তৃক পরিচালিত প্রশিক্ষণ

VISIT BOARD SEARCH AND SEIZURE (VBSS) প্রশিক্ষণ কার্যক্রমসমূহ।

United Nations Office on Drugs and Crime (UNODC) কর্তৃক ০৪ টি VBSS Course বাংলাদেশ কোস্ট গার্ডে পরিচালিত হয়। উক্ত কোর্সসমূহে বোর্ডিং অপারেশন সম্পর্কিত বিভিন্ন বিষয়াদি যেমনঃ বোর্ডিং টিমের গঠন, বোর্ডিং পদ্ধতি, অনুসন্ধান কৌশল, উদ্ধার কার্য পরিচালনা, বাণিজ্যিক জাহাজে জলদস্যুদের মোকাবেলা, মাদকবাহী জলযান প্রতিহত করা, বহিঃনোঙ্গর প্যাট্রোলিং পরিচালনা এবং রিপোর্ট প্রস্তুতকরণ সংক্রান্ত তাত্ত্বিক ও ব্যবহারিক প্রশিক্ষণ প্রদান করা হয়। উক্ত কোর্সসমূহে অংশগ্রহণের ফলে বাংলাদেশ কোস্ট গার্ড এর কর্মকর্তা ও নাবিকদের পেশাগত উৎকর্ষতা এবং সার্বিকভাবে কর্মদক্ষতা বৃদ্ধি পেয়েছে যা উপকূলীয় এলাকায় দায়িত্ব পালনের ক্ষেত্রে অত্যন্ত ফলপ্রসূ ভূমিকা পালন করে। ২০২২-২০২৩ অর্থবছরে দেশে এবং বিদেশে VBSS কোর্স সম্পন্নকারী কর্মকর্তা ও নাবিকদের পরিসংখ্যান নিম্নরূপঃ

ক্রমিক	দেশ	কোর্স সংখ্যা	কর্মকর্তা	নাবিক	মন্তব্য
১।	স্বদেশ	০৪	১৮	৩৪	
২।	বিদেশ	০৪	০৭	১০	



VBSS Practical Training – BCG BASE AGRAJATRA

বিসিজি বেইস অগ্রযাত্রায় MEDICAL FIRST RESPONDER SEMINAR (MFRS) পরিচালনা।

ঢাকাস্থ US Embassy'র PACOM Augmentation Team (PAT) কর্তৃক ০৫ (পাঁচ) দিনব্যাপী Medical First Responder Seminar (MFRS) প্রশিক্ষণটি বিসিজি বেইস অগ্রযাত্রায় অত্যন্ত সফলভাবে পরিচালিত হয়। উক্ত সেমিনারে বাংলাদেশ কোস্ট গার্ডে কর্মরত ০৬ জন কর্মকর্তা ও ২৩ জন নাবিক অংশগ্রহণ করেন। বর্ণিত সেমিনারে প্রশিক্ষণার্থীদের রক্তক্ষরণ, শ্বসন, সঞ্চালন, মাথার আঘাত, পোড়া, শ্বাসনালীর চিকিৎসা সম্পর্কিত বিষয়সমূহের উপর প্রশিক্ষণ প্রদান করা হয় যা বাংলাদেশ কোস্ট গার্ড এর কর্মর্তা ও নাবিকদের পেশাগত উৎকর্ষতা এবং সার্বিকভাবে কর্মদক্ষতা বৃদ্ধি করেছে।



Medical First Responder Seminar (MFRS) – BCG BASE AGRAJATRA

স্বদেশ প্রশিক্ষণ।

বাংলাদেশ কোস্ট গার্ড সদস্যগণ দেশে বিভিন্ন অভিযানে পুলিশ, র‍্যাব, নৌ-পুলিশ, বিজিবি, কাস্টমস, ফায়ার সার্ভিস, বিআইডব্লিউটিএ, বিআইডব্লিউটিসি, মৎস্য অধিদপ্তর, বন ও পরিবেশ অধিদপ্তর, বন্দর কর্তৃপক্ষ ইত্যাদি বাহিনী/সংস্থার সদস্যদের সাথে দায়িত্ব পালন করে। উক্ত দায়িত্ব পালনে প্রত্যেক কোস্ট গার্ড সদস্যগণ নিজস্ব স্বকীয়তা, পেশাগত দক্ষতা প্রদর্শন করে বাংলাদেশ কোস্ট গার্ডের ভাবমূর্তি উন্নত করতে সচেষ্ট থাকে। এক্ষেত্রে বাংলাদেশ কোস্ট গার্ড কর্তৃক প্রতিবছরে পরিচালিত প্রশিক্ষণ কার্যক্রম কোস্ট গার্ড সদস্যদের পেশাগত উৎকর্ষতা ও কর্মদক্ষতা বাড়াতে সহায়ক ভূমিকা রাখছে। বাংলাদেশ কোস্ট গার্ড বেইস অগ্রযাত্রায় পরিচালিত কোর্সসমূহের বিবরণ নিম্নরূপঃ

বেসিক ওরিয়েন্টেশন কোর্স।

বাংলাদেশ নৌবাহিনী হতে আগত নতুন নাবিকদের এবং নতুন যোগদানকৃত অসামরিক কর্মচারীদের কোস্ট গার্ড সম্পর্কে সম্পূর্ণ ধারণা প্রদানের নিমিত্তে কোস্ট গার্ডের একমাত্র প্রশিক্ষণ ঘাঁটি বিসিজি বেইস অগ্রযাত্রার মেরিটাইম সেইফটি ও মেরিটাইম সিকিউরিটি স্কুলের তত্ত্বাবধানে প্রতিমাসে ন্যূনতম একটি করে বেসিক ওরিয়েন্টেশন কোর্স পরিচালনা করা হচ্ছে। উক্ত ওরিয়েন্টেশন কোর্সে মূলত বাংলাদেশ কোস্ট গার্ড আইন-২০১৬, ফৌজদারী কার্যবিধি, দন্ডবিধি ও সাক্ষ্য আইন, মাদক দ্রব্য নিয়ন্ত্রণ আইন, বন ও পরিবেশ সংরক্ষ আইন, মৎস্য আইন, কাস্টমস্ এ্যাক্ট, অভ্যন্তরীণ নৌ চলাচল অধ্যাদেশ-১৯৭৬, কোস্ট গার্ড অধিদপ্তর কর্মকর্তা ও কর্মচারী চাকুরি প্রবিধানমালা-২০১০, আন-আর্মড কমব্যাট (খালি হাতে আত্মরক্ষা) প্রশিক্ষণ এর উপর প্রাথমিক ধারণা প্রদান করা হয়ে থাকে। জুলাই ২০২২ হতে জুন ২০২৩ পর্যন্ত ৫৭২ জন নাবিক এবং ৩৩ জন অসামরিক কর্মচারীর বেসিক ওরিয়েন্টেশন কোর্স সম্পন্ন করেছে।



বেসিক ওরিয়েন্টেশন ক্লাস - বিসিজি বেইস অগ্রযাত্রা



আন-আর্মড কমব্যাট (খালি হাতে আত্মরক্ষা) প্রশিক্ষণ

Life Guard & First Aid Course

উক্ত কোর্সে মূলত নদী/সমুদ্র তীরবর্তী জনগনের বিপদাকালীন সময়ে উদ্ধার প্রক্রিয়া এবং তৎপরবর্তী প্রাথমিক চিকিৎসা প্রদান পদ্ধতি সম্পর্কে প্রশিক্ষণ প্রদান করা হয়। ২০২২-২০২৩ অর্থ বছরে পরিচালিত ০২ টি কোর্সে মোট ২০ জন নাবিক অংশগ্রহণ করেন।



Life Guard & First Aid Course এর ব্যবহারিক প্রশিক্ষণ

Disaster Management Course

বিভিন্ন প্রাকৃতিক দুর্যোগ যেমনঃ ভূমিকম্প, সুনামি, ঘূর্ণিঝড়, বন্যা, ভূমিধস, দাবানল, খরা, মহামারী, ঝড় প্রভৃতি প্রাকৃতিক দুর্যোগ সৃষ্টির কারণ ও করণীয় সমন্ধে প্রশিক্ষণ প্রদান করা হয়ে থাকে। ২০২২-২০২৩ অর্থ বছরে ০২টি কোর্সে মোট ৩০ জন নাবিক উক্ত কোর্সটি সম্পন্ন করেন।



দুর্যোগ মোকাবেলায় মডেল রুমে ব্রিফিং - বিসিজি বেইস অগ্রযাত্রা

BASIC COMPUTER COURSE

কোস্ট গার্ড সদস্যদের Microsoft Word, Microsoft Excel, Microsoft Powerpoint, e-Mail প্রভৃতি বিষয় সম্মুখে সম্যক ধারণা প্রদানের জন্য কোর্সটি পরিচালনা করা হয়। ২০২২-২০২৩ অর্থ বছরে ০২টি কোর্সে মোট ৩০ জন নাবিক উক্ত কোর্সটি সম্পন্ন করেন।



Basic Computer Course এর ব্যবহারিক প্রশিক্ষণ

SEA PORT INTERDICTION COURSE

উক্ত প্রশিক্ষণে বানিজ্যিক জাহাজ পোর্টে আগমন/ বহির্গমন নীতিমালা, জাহাজের মালামাল খালাস সংক্রান্ত কাস্টমস ক্লিয়ারেন্স নীতিমালা, অবৈধ অস্ত্র বহনকারী জাহাজ চিহ্নিতকরণ ইত্যাদি বিষয়ের উপর তাত্ত্বিক ও ব্যবহারিক প্রশিক্ষণ প্রদান করা হয়। ২০২২-২০২৩ অর্থ বছরে ০১ টি কোর্সে মোট ১৫ জন নাবিক উক্ত কোর্সটি সম্পন্ন করেন।



Sea Port Interdiction কোর্সের তাত্ত্বিক প্রশিক্ষণ